


唐詩所前集

三十四

廿四

五言律詩



內閣文庫			
三九函	一六架	二八四三號	漢書類

內閣文庫			
番號	漢	11843	
冊數	32 ( 24 )		
函號	319	124	





唐詩所第三十四卷

律詩

謁大慈恩寺

日宮開萬仞月殿聳千華  
花蓋飛團一作圓影幡虹曳曲  
陰霞綺遙籠帳叢珠細網林  
寥廓煙雲表超然物外心

奉和

許敬宗

鳳闕隣金地龍旂拂寶臺  
雲楣將葉並風囀送花來  
月宮清晚桂虹梁絢早梅  
梵境留宸矚揆發麗天才

幸少林寺

應制

宋之問

紺宇橫天室迴鑾指帝休  
曙陰迎日盡春氣抱巖流  
空樂繁行漏香煙薄綵游  
玉膏從此泛仙馭接浮丘



前題

沈佺期

長歌遊寶地徒倚對珠林  
鳳塔風霜一作丹青古龍池歲月  
深紺園澄夕霽碧殿下秋陰  
歸路煙霞晚山蟬處處吟

幸岳寺

應制

宋之問

暫幸珠筵地俱憐石瀨清  
泛流張翠幕拂迴挂紅旌  
雅曲龍調管芳罇蟻泛觥  
陪歡玉座晚復得聽金聲

同皇太子翫遊慈恩寺

應制

沈佺期

肅肅蓮花界熒熒貝葉宮  
金人來夢裏白馬出城中  
湧塔初從地焚香欲遍空  
天歌應春籥非是為秋風

前題

二首

張說

翼翼宸恩永煌煌福地開  
離光升寶殿震氣繞香臺  
上界幡花合中天伎樂

一作日月

來願君無量壽仙藻

一作樂屢

裴徊

朗朗神居峻軒軒瑞象威  
聖君成願果太子拂天衣  
至樂三靈會深仁四皓歸  
還聞澗水曲更繞白雲飛

遊韶州廣界寺

宋之問

影殿臨丹壑香臺隱翠霞  
巢飛含象鳥砌蹋雨空花  
寶鐸搖初霽金池映晚沙  
莫愁歸路遠門外有三車

遊梵宇三覺寺

王勃

香閣披青磴瑤臺控紫岑  
葉齊山路狹花積野壇深  
蘿



幌棲禪影松門聽梵音遠欣陪妙躅延賞滌煩襟

遊澗湖上寺

張說

湖上奇峰積山中芳樹春何知絕世境來遇賞心人清  
舊巖前樂啣嚶鳥獸馴靜言觀聽裏萬法自成輪

前題

趙冬曦

江外多山水招要步馬來琴將天籟合酒共鳥歌

一作聲

催巖坐攀紅藥谿行愛綠苔所懷非此地遊望亦徘徊

前題

王珣

春山臨遠壑水木自幽清夙昔懷微尚茲焉一於情

間聽弄鳥煙上摘初英地僻方無悶逾知道思精

一作生

遊修覺寺

杜甫

野寺江天豁山扉花竹幽詩應有神助吾得及春遊徑

石相縈帶川雲自去留禪枝宿衆鳥漂轉暮歸愁

後遊

寺憶曾遊處橋憐再渡時江山如有待花柳更無私野

潤煙光薄沙暄日色遲客愁全爲減捨此復何之

秋晚遊普耀寺

宋之問

薄暮曲江頭仁祠暫可留山形無隱霽野色遍呈秋花

覆香泉密藤緣寶樹幽平生厭塵事過此忽悠悠

一作荷

陪薛司空桂明府遊招隱寺

駱賓王



共尋招隱寺初識戴顓家還依舊泉壑應改昔雲霞綠  
竹寒天笋紅蕉臘月花金繩倘留客爲繫日光斜

與張折衝遊耆闍寺

孟浩然

釋子彌天秀將軍武庫才橫行塞北盡獨步漢南來貝  
葉傳金口山樓作賦開因君振嘉藻江楚氣雄哉

和崔司馬遊雲門寺

孫逖

繫馬清谿樹禪門春氣濃香臺花下出講坐竹間逢覺  
路山童引經行谷鳥從更言竅寂滅廻策上南峰

過香積寺

王維

不知香積寺數里入雲峰古木無人逕深山何處鍾泉

聲咽危石日色冷青松薄暮空潭曲安禪制毒龍

雪後與羣公過慈恩寺

岑參

乘興忽相招僧房暮與朝雪融雙樹濕紗閣一燈燒竹  
外山低塔藤間院隔橋歸家殊欲懶俗慮向來銷

謫南海過韶州廣界寺


一作始興廣勝寺房融

零落嗟殘命蕭條託勝因方燒三界火遽洗六情塵隔  
嶺天花發凌空月殿新誰憐鄉國思從此學分身

望牛頭寺

杜甫

牛頭見鶴林梯逕遶幽溪春色浮山外天河宿殿陰傳  
燈無白日布地有黃金休作狂歌老回看不住心





上牛頭寺

青山意不盡  
袞袞上牛頭  
無復能拘礙  
真成浪出遊  
花濃春寺靜  
竹細野池幽  
何處啼鶯切  
移時獨未休

望兜率寺

寺在梓州

樹密當山徑  
江深隔寺門  
霏霏雲氣重  
閃閃浪花翻  
不復知天大  
空餘見佛尊  
時應清盥罷  
隨喜給孤園

上兜率寺

兜率知名寺  
真如會法堂  
江山有巴蜀  
棟宇自齊梁  
庾信哀雖久  
何顛好不忘  
白牛車遠近  
且欲上慈航

登辨覺寺

王維

竹徑從初地  
蓮花出化城  
牕中三楚盡  
林上九江平  
軟草承趺坐  
長松響梵聲  
空居法雲外  
觀世得無生

登涼州尹臺寺

岑參

胡地三月半  
梨花今始開  
因從老僧飯  
更上夫人臺  
清唱雲不去  
彈絃風颯來  
應須一倒載  
還似山公回

陪章梓州王閬州蘇遂州李果州四使君登惠義寺

杜甫

春日無人境  
虛空不住天  
鶯花隨世界  
樓閣倚山巔  
遲暮身何得  
登臨意惘然  
誰能解金印  
瀟灑共安禪

觀佛跡寺

王勃



蓮座神容儼松崖聖趾餘年長金跡淺地久石文疎頽  
華臨曲磴傾影赴前除共嗟陵谷遠俄視化城虛

石鏡寺

盧照隣

古墓芙蓉塔神銘松栢煙鸞沈仙鏡底花沒梵輪前銖  
衣千古佛寶月兩重圓隱隱香臺夜鍾聲徹九天

稱心寺

駱賓王

征帆恣遠尋逶迤過稱心凝滯蘅蔭岸泂澗檀柚林穿  
漱不厭曲艤潭惟愛深爲樂凡幾許聽取舟中琴

樂城白鶴寺

沈佺期

碧海開龍藏青雲起鴈堂潮聲迎一作應法鼓雨氣濕天

香樹接前山暗谿承瀑水涼無言謫居遠清淨得空王

武擔山寺

蘇頌

武擔獨蒼然墳山下玉泉鼈靈一作龜時共盡龍女事同

遷松栢衛哀處幡花種福田詎知留鏡石長與法輪圓

石甕寺

儲光羲

遙山起真宇西向盡花林下見宮殿小上看廊廡深苑  
花落池水天語聞松音真子又知我焚香期化心

山寺

杜甫

野寺殘僧少山園細路高麝香眠石竹鸚鵡啄金桃亂  
水通人過懸崖置屋牢上方重閣晚百里見纖毫



宿清遠峽山寺

宋之問

香岫懸金刹飛泉界一作石門空山唯習靜中夜寂無喧說法初聞鳥看心欲定猿寥寥隔塵市一作何異武陵源

宿龍興寺

綦毋潛

香刹夜忘歸松清古殿扉燈明方丈室珠繫比丘衣白月傳心靜青蓮喻法微天花落不盡處處鳥銜飛

題石甕寺

范朝

勝境宜長望遲春好散愁關連四塞起河帶八川流礎磴承香閣重巖映彩樓為臨温液近偏美聖君遊

題江夏修靜寺

寺本李北海舊宅

李白

我家北海宅作寺南江濱空庭無玉樹高殿坐幽人書帶留青草琴堂一作臺幕素塵平生種桃李寂滅不成春

題山寺

楊衡

千峰白露後雪壁挂殘燈曙色海邊月經聲松下僧意開門不閉年去水空澄稽首如何問森羅盡一乘

奉和九日登慈恩寺浮圖

應制

李嶠

瑞塔千尋起仙輿九日來萸房陳寶席菊蕊散花臺御氣鵬霄近升高鳳野開天歌將梵樂空裏共裴徊

奉和

劉憲



飛一作塔雲霄半清晨羽旒遊一作仙鑪登臨憑季月

寥廓見中州御酒新寒退天文瑞景留一作寶辟一作

邪將獻壽茲日奉千秋

奉和

盧藏用

化塔龍山起中天鳳輦迂絲旒牽畫剎雜佩一作香  
奠寶葉擎千座金英漬百盃秋雲飄聖藻霄極捧連珠

奉和

崔日用

紫宸歡每洽緝殿法初隆菊泛延齡酒蘭吹解慍風咸  
英調正樂香梵遍秋空臨幸符天瑞重陽日再中

奉和

趙彥昭

出豫乘秋一作節登一作高陟梵宮皇心滿塵界佛跡

現虛空日月宜長壽人天得大通喜聞題寶偈受記莫

由同

奉和

李迥秀

沙界人王塔金繩梵帝遊言從祇樹賞行翫菊叢秋御  
酒調甘露天花拂綵旒堯年將佛日同此慶時休

奉和

麴瞻

扈蹕遊玄地陪僊瞰紫微似邁銖衣劫將同羽化飛雕  
戈秋日麗寶劍曉霜霏獻觴乘菊序長願奉天暉

奉和

岑羲



寶臺聳天外玉輦步雲端日麗重陽景風搖季月寒  
梵堂遙集鴈帝樂近翔鸞願獻延齡酒長承湛露歡

奉和

張錫

九州霜景淨千門曉望通仙遊光御路瑞塔迴凌空菊  
彩揚堯日萸香遶一作舜風天文麗神象竊拊仰層穹

奉和

蕭至忠

天蹕三乘啓星輿六轡行登高凌寶塔極目徧王城神  
衛空中遶仙歌雲外清重陽千萬壽率舞頌昇平

奉和

周利用

出豫乘金節飛文煥日宮萸房開聖酒菊一作苑被玄

功塔向三天迴池將一作收八解空叨恩奉蘭籍終愧洽

薰風

奉和

辛替否

洪慈均動植至德俯深玄出豫從初地登高適梵天白  
雲飛御藻慧日暖皇編別有秋原藿長傾雨露緣

奉和

樊忱

淨境重陽節仙遊萬乘來插萸登鷲嶺把菊坐蜂臺十  
地祥雲合三天瑞景開秋風詞更遠竊拊樂康哉

奉和

孫佺

應節萸房滿初寒菊圃新龍旗煥宸極鳳駕儼香闈蓮



井偏宜夏梅渠更若春一欣陪鴈塔還似得天身

奉和

王景

玉輦移中禁珠梯覽四禪重階清漢接飛竇紫霄懸綴  
葉披天藻吹花散御筵無因鑿蹕暇俱舞鶴林前

奉和

張景源

飛塔凌霄起宸遊一屆焉金壺新泛菊寶座卽披蓮就  
日搖香輦憑雲出梵天祥氛與佳色相伴雜鑪煙

奉和

楊庶

萬乘臨真境重陽眺遠空慈雲浮鴈塔定水映龍宮寶  
鐸含颺響僊輪帶日紅天文將瑞色輝煥滿寰中

奉和

解琬

瑞塔臨初地金輿幸上方空邊有清淨覺處無馨香雨  
霽微塵斂風秋定水涼茲辰采仙菊薦壽慶重陽

奉和

畢軋泰

鷓林花塔啓鳳輦順時遊重九昭皇慶大千揚帝休耆  
闍妙法闡王舍睿文流至德覃無極小臣歌詎酬

奉和

李從遠

九月從時豫三乘爲法開中霄日天子半座寶如來摘  
果珠盤獻攀萸玉輦廻願將塵露點遙奉光明臺

奉和

李恒



寶地臨一作鄰丹掖香臺瞰碧雲關一作河山天外出城闕

樹中分睿藻蘭英秀仙杯菊蕊薰願將今日樂長奉聖

明君

奉和

宋之問

鳳刹侵雲半虹旌倚日邊散花多寶塔張樂布金田時  
菊芳仙醞秋蘭動睿篇香街稍欲晚清蹕扈歸天

奉和

鄭愔

湧霄開寶塔倒影駐仙輿鴈子乘堂處龍王起藏初秋  
風聖王曲佳氣史官書願獻重陽壽承歡萬歲餘

奉和

李適

鳳輦乘朝霽鸚林對晚秋天文具葉寫聖澤菊花浮塔  
似神功造一作建龕疑佛影留幸陪清漢蹕欣奉淨居遊

奉和

馬懷素

季月重陽啓金輿陟寶坊御旂橫日道仙塔儼雲莊帝  
蹕千官從乾詞七曜光顧慚文墨職無以頌時康

奉和

李义

湧塔開一作臨玄地高層瞰紫微鳴鑾陪帝出攀椽翊天  
飛慶洽重陽壽文舍列象輝小臣叨載筆無以一作欣此頌

巍巍

奉和

一作崔湜

上官昭容



帝里重陽節香園萬乘來却邪莫入一作佩獻壽菊傳

杯塔類承天湧門疑待佛開睿詞懸日月長得仰昭回

奉和 薛稷

寶宮星宿劫香塔鬼神功王遊盛塵外睿覽出區中日

宇開初景天詞掩大風微臣謝時菊薄采入芳叢

奉和閏九月九日登莊嚴總持二寺閣應制

宋之問

閏月再重陽仙輿歷寶坊帝歌雲稍白御酒菊猶黃風

鐸喧行漏天花拂舞行豫遊多景福梵宇日生光

奉和 李嶠

閏節開重九真遊下大千花寒仍薦菊座晚更披蓮剎

鳳迴雕輦幡虹間綵旃還將西梵曲助入南薰絃

奉和 劉憲

重陽登閏序上界叶時巡駐輦天花落開筵妓樂陳城

端剎柱見雲表露盤新臨睨光輝浦飛文動睿神


奉和 李义

清蹕幸禪樓前驅歷御溝還疑九日豫更想六年遊聖

藻輝纓絡仙花綴冕旒所欣延億載寧祗慶重秋

登栖靈寺塔 蔣渙

三休尋磴道九折步雲霓灑澗臨江北郊原極海西沙





平瓜步出樹遠綠楊低南指晴天外青峰是會稽

登禪定寺閣

宋之問

梵宇出三天登臨望八川開襟坐霄漢一作俯揮手拂

雲煙函谷青一作春山外昆池落日邊東京楊柳陌少別

已經年

登總持閣

岑參

高閣逼諸天登臨近日邊晴開萬井樹愁看五陵煙檻

外低秦嶺牕中小渭川早知清淨理常願奉金仙

登聖善寺閣

一作登少室山

褚朝陽

飛閣青霞裏先秋獨早涼天花散一作映牕近月桂拂簷

香華岳三峯小黃河一帶長空間一作指歸路煙際一作

處有垂楊

晚霽登汝南大雲閣

賈彥璋

禪宮新雨歇香閣晚登臨邑樹晴光起川苗佳氣深水

包城下岸雲細郢中峯自歎牽早日聊開望遠心

同羣公登濮陽聖佛寺閣

高適

落日登臨處悠然意不窮佛因初地識人覺四天空來

鴈清霜後孤帆遠樹中徘徊傷寓目蕭索對寒風

流夜郎至江夏陪長史叔及薛明府宴興德寺南

閣

李白



緝殿橫江上青山落鏡中岸迴沙不盡日映水成空天

樂流一作香閣蓮舟颺晚風恭陪竹林宴留醉與陶公

宿雲門寺閣

孫逖

香閣東山下煙花象外幽懸燈千嶂夕卷幔五湖秋畫

壁餘一作飛鴻鴈紗牕宿斗牛更疑天路近夢與白雲遊

宿香山閣

一作賈彥璋

賀朝

暝望一作春山閣梯雲宿半空軒牕閉潮海枕席拂煙

虹朱網防棲鴿紗燈護夕蟲一聞雞唱曉已見日瞳瞳

晚春題遠上人南亭

孟浩然

給園支遁隱虛寂養身一作和春晚羣木秀關關黃鳥

歌林棲居

一作良

士竹池養右軍鷺炎

一作花

月北牕下清

風期再過

春日上方卽事

王維

好讀高僧傳時看辟穀方鳩形將刻杖龜殼用支牀柳

色春山映梨花夕鳥藏北牕桃李下閒坐但焚香

苑外至龍興院作

儲光羲

朝遊天苑外忽見法筵開山勢當空出雲陰滿地來疎

鐘清月殿幽梵靜花臺日暮香林下飄飄一作仙步迴

過感化寺曇興上人山院

王維

暮持筇竹杖相待虎谿頭催客聞山響歸房逐水流野



花叢發好谷鳥一聲幽夜坐空林寂松風直似秋

前題

裴廸

不遠灞陵邊安居向十年入門穿竹徑留客聽山泉鳥  
轉深林裏心閒落照前浮名竟何益從此願棲禪

題靈隱寺山頂禪院

綦毋潛

招提此山頂下界不相聞塔影挂清漢鍾聲和白雲觀  
空靜室掩行道衆香焚且駐西來駕人天日未曛

題破山寺後院

常建

清晨入古寺初日照一作朗高林竹逕通幽處禪房花木  
深山光悅鳥性潭影空人心萬籟此俱寂但餘鐘磬音

題忠州龍興寺所居院壁

杜甫

忠州三峽內井邑聚雲根小市常爭米孤城早閉門空  
看過客淚莫覓主人恩淹泊仍愁虎深居賴獨園

題遠公經臺

祖詠

蘭若無人到真僧出復稀苔侵行道席雲濕坐禪衣澗  
鼠緣香案山蟬噪竹扉世間長不見寧止暫忘歸

覺公院施烏石臺

李頎

石臺置香飯齋後施諸禽童子亦知善衆生無懼心苔  
痕蒼曉露盤勢出香林錫杖或圍繞吾師一念深

過福禪師蘭若

王維



巖壑轉微逕雲林隱法堂羽人飛奏樂天女跪焚香竹  
外峯偏曙藤陰水更涼欲知禪坐久行路長春芳

遊景空一作寺蘭若 孟浩然

龍象經行處山腰度石關屢迷青嶂合時愛綠蘿閒宴  
息花林下高談竹嶼間寥寥隔塵事疑是入雞山

題融公蘭若

精舍買金開流泉遶砌迴芰荷薰講席松柏映香臺法  
雨晴飛去天花晝下來談玄殊未已一作一乘談未了 歸騎夕

陽催

靜法師東齋 王昌齡

築室在人境遂得真隱情春盡草木變雨來池館清琴  
書全雅道視聽已無生閉戶脫三界白雲自虛盈

已上人茅齋 杜甫


已公茅屋下可以賦新詩枕簟入林僻茶瓜留客遲江  
蓮搖白羽天棘蔓青絲空忝許詢輩難酬支遁詞

夏日辨玉法師茅齋 孟浩然

夏日茅齋裏無風坐亦涼竹林深一作新 笋櫬一作 藤架  
引梢長燕覓巢窠處蜂來造蜜房物華皆可玩花藥四

時芳

夏日遊暉上人房 陳子昂





山水開精舍琴歌列梵筵人疑白樓賞地似竹林禪對  
戶池光亂交軒巖翠連色空今已寂乘月弄澄泉

宿立公房

孟浩然

支遁初求道深公笑買山何如石巖趣自入戶庭間苔  
澗春泉滿蘿軒夜月閒能令許玄度吟卧不知還

宿贊公房

贊京師大雲寺主諱此安

杜甫

杖錫何來此秋風已颯然雨荒深院菊霜倒半池蓮放  
逐寧違性虛空不離禪相逢成夜宿隴月向人圓

題大禹寺義公房

孟浩然

義公習禪處

一作寂

結構

一作字

依空林戶外一峰秀堦前

羣

一作衆

壑深夕陽連

一作照

雨足空翠落庭陰看取蓮花

淨應

一作方

知不染心

題招隱寺綯公房

綦毋潛

開士度人久空巖

一作山

花霧深徒知燕坐處不見有爲

心蘭若門對壑田家路隔林還言證

一作澄

法性歸去比

黃金

題亂上人房

儲光羲

禪宮分兩地釋子一爲心入道無來去清言見古今江  
寒池水綠山暝竹園深別有中天月遙遙散夕陰

題山寺僧房

岑參



牕影搖羣木墻陰載一峰野爐風自蕤山碓水能春勤  
學翻知誤爲官好欲慵高僧暝不見月出但聞鍾

陪姚使君題惠上人房

孟浩然

帶雪梅初暖含煙柳尚青來窺童子偈得聽法王經會  
理知無我觀空厭有形迷心應覺悟客思未一作遶寧

題玄武禪師屋壁

杜甫

何年顧虎頭滿壁畫滄洲赤日石林氣青天江海流錫  
飛常近鶴杯渡不驚鷗似得廬山路真隨一作惠遠遊

青龍寺與黎昕戲題愚公谷

王維

愚谷與誰去唯將黎子同非須一處住不那兩心空寧

問春將夏誰論西復東不知吾與子若箇是愚公

吾家愚谷裏此谷本來平雖則行無跡還能響應聲不  
隨雲色暗只待日光明緣底名愚谷都由愚所成

借問愚公谷與君聊一尋不尋翻到谷此谷不離心行  
處曾無險看時豈有深寄言塵世客何處欲歸臨

同族姪評事黯遊昌禪師山池

二首

李白

遠公愛康樂爲我開禪關蕭然松石下何異清涼山花  
將色不染水與心俱閒一坐度千劫觀空天地間  
客來花雨際秋水落金池片石寒青錦疎楊挂綠絲高  
僧拂玉柄童子獻霜梨惜去愛佳景煙蘿欲暝時



僧舍小池

張鼎

引出白雲根潺潺漲蘚痕冷光搖砌錫疎影露枝猿淨  
帶凋霜葉香通洗葉源貝多文字古宜向此中翻

西塔寺陸羽茶泉

裴廸

竟陵西塔寺蹤跡尚空虛不獨支公住曾經陸羽居草  
堂荒產蛤茶井冷生魚一汲清冷水一作高風  
一作心同味有餘

同皇甫兵曹天官寺浴室新成招友人賞會

寇坦

温室歡初就蘭交托勝因共聽無漏法兼濯有爲塵水

潔三空性香沾四大身清心多善友頌德慰同人

道林寺送莫侍御

張謂

何處堪畱客香林隔

一作隱

翠微薜蘿通驛騎山竹挂朝

衣霜引臺鳥集風驚塔鴈飛飲茶勝飲酒聊以送將

君歸

送王侍御往東川

放生池祖席

杜甫

東川詩友合此贈怯輕爲况復傳宗近空然惜別離梅  
花交近野草色向平池儻憶江邊卧歸期願早知

惠義寺送王少尹赴成都

得峯字

苒苒谷中寺娟娟林表峰闌干上處遠結構坐來重騎



馬行春徑衣冠起暮鍾雲門青寂寂此別惜相從

送沙門弘景道俊玄奘還荊州

應制一作宋之問

李嶠

三乘歸淨域萬騎餞通莊就日離亭近彌天別路長荆南旋杖鉢渭北限津梁何日紆真果還來入帝鄉

前題

李义

初日承歸旨秋風起贈言漢珠留道味江璧返真源地出南關遠天廻北斗尊寧知一柱觀却啓四禪門

送王上人還襄陽

儲光義

朝看法雲散知有至人還送客臨伊水行車出故關天

花滿南國精舍在空山雖復詩來去中心長日

一作閒

送通禪師還南陵隱靜寺

李白

我聞隱靜寺山水多奇蹤巖種朗公橋門深杯渡松道人制猛虎振錫還孤峰他日南陵下相期谷口逢

同崔興宗送衡嶽瑗公南歸

序曰衡嶽瑗上人者嘗學道於五峰陰松

棲雲與狼虎雜處得無所得矣天寶癸巳歲始遊于長安手提瓶笠至自萬里燕居吐論緇屬高之初給事中房公謫居宜春與上人風土相接因爲道友伏臘往來房公旣海內盛名上人亦以此增價秋九月杖錫南返扣門來別秦地草木槭槭已黃蒼梧白雲不日而見滇陽有曹谿學者爲我謝之

王維

言從石菌閣新下穆陵關獨向池陽去白雲留故山綻



衣秋日裏洗鉢古松間一施傳心法唯將戒定還

送青龍一公

張謂

事佛輕金印勤王度玉關不知從樹下還肯一作許到人

間楚水青蓮淨吳門白日閒聖朝須助一作勤理絕莫愛

東山

贈老僧

一作鄭際

釋景雲

日照西

一作四

山雪老僧門始

一作未

開凍瓶粘柱礎宿火

陷爐灰童子病歸去鹿麕

一作麋

寒入來齋鍾知漸近枝

鳥下生臺

澗南卽事貽彼上人

孟浩然

弊廬在郭外素產

一作業

惟田園左右林野曠不聞朝一作

市喧釣竿垂北澗樵唱入南軒書取幽棲事將尋靜

者論

一作言

和裴迪登新津寺寄王侍郎

杜甫

何恨倚山木吟詩秋葉黃蟬聲集古寺鳥影度寒塘風

物悲遊子登臨憶侍郎老夫貪佛日隨意宿僧房

詣開悟禪師問心法次第

寄韓郎中

獨孤及

障深聞道晚根鈍出塵難濁劫相從慣迷途自謂安得

知身垢妄始喜額珠完欲識真如理君嘗法味看

夜泊廬江聞故人在東寺詩寄之

孟浩然



江路經廬阜松門入虎谿聞君尋寂樂清夜宿招提石  
鏡山精怯禪枝一作林怖鶴棲一燈如悟道為照客心迷

秦中感秋寄遠上人

一丘常欲臥三徑苦無資北土一作上非吾願東林懷我

師黃金然桂盡壯志逐年衰日夕涼風至聞蟬但益悲

重寄亂上人

儲光羲

一作雲峯別三看花柳朝青山隔遠路明月空長霄鵲  
浴西江雨雞鳴東海潮此情勞夢寐况道雙林遙

使過瑤臺寺有懷圓寂上人

序曰真卿昔以天寶元年封醴泉丞過瑤

臺寺圓寂上人院秋滿遷監察御史巡覆諸陵而人上人已去此寺大曆十三年春二月以刑部

尚書調拜昭陵慨然有懷其詞曰

顏真卿

上人居此寺不出三十年萬法元無着一作靈法一心

唯趣禪忽紆塵外軫遠訪區中一作世間緣及爾不復見支

提猶岌一作歸然

攜琴酒尋閻防崇濟寺所居僧院 岑參

相訪但尋鍾門寒古殿松潭琴醒暮酒卷幔引諸峰事

愜林中語人幽物外蹤吾廬幸接近茲地興偏慵

陪李侍御訪聰上人禪居

孟浩然

欣逢柏臺友一作舊共謁聰公禪石室無人到繩牀見虎

眠陰崖常抱雪枯澗為生泉出處雖云異同歡在法筵



行詩 卷三十四 二十二  
謁真諦寺禪師

杜甫

蘭若山高處煙霞嶂幾重凍泉依細石晴雪落長松問  
法看詩妄觀身向酒慵未能割妻子卜宅近前峯

夏日過青龍寺謁操禪師

王維

龍鍾一老翁徐步謁禪宮欲問義心義遙知空病空山  
河天眼裏世界法身中莫恠銷炎熱能生大地風

前題

裴迪

安禪一室內左右竹亭幽有法知不染無言誰敢酬鳥  
飛爭向夕蟬噪已先秋煩暑自茲適清涼何所求

晚過盤石寺禮鄭和尚

岑參

高僧話來尋野寺孤岸花藏水碓谿水映風爐頂  
上巢新鵲衣中帶舊珠談禪未得去輟棹且踟蹰

訓萬八賀九雲門寺歸溪中作

孫逖

晚從靈境出林壑曙雲飛稍覺清溪盡迴瞻晝刹微獨  
園餘興在孤棹宿心違更憶登攀處天香滿一作袖歸

暮春於山谷寺上方遇恩命加官賜服訓皇甫侍

御見賀之作

獨孤及

天書到法堂朽質被榮光自笑無功德殊恩謬激揚還  
登建禮署猶忝會稽章佳句慙相及稱仁豈易當

寺中酬高使君相贈

杜甫



古寺僧牢落空房客寓居故人供祿米鄰舍與園蔬雙  
樹容聽法三車肯載書草玄吾豈敢賦或似相如

同王員外雨後登開元寺南樓因酬暉上人獨坐

山亭有贈

陳子昂

鍾梵經行罷香林坐入禪巖庭交雜樹石瀨瀉鳴泉水  
月心方寂雲霞思獨玄寧知人世裏疲病得一作攀緣

舟月對驛近寺

杜甫

更深不假燭月朗自明一作開船金刹青楓外朱樓白水  
邊城烏啼眇眇野鷺宿娟娟皓首江湖客釣簾獨未眠

聽蜀僧濬彈琴

李白

蜀僧抱綠綺西下峨眉峰為我一揮手如聽萬壑松客

心洗流水餘響入霜鍾不覺碧山暮秋雲暗幾重

詠興國寺佛殿前幡

太宗

拂霞疑電落騰虛狀寫虹屈伸煙霧裏低舉白雲中紛  
披乍依迴掣曳或隨風念茲輕薄質無翅強搖空

送綦母三寺中賦得紗燈

李頎

禪室吐香燼輕紗籠翠煙長繩掛青竹百尺垂紅蓮熠  
燴眾星下玲瓏雙塔前含光待明發此別豈徒然

龍興寺玄上人院同詠青木香叢

岑參

移根自遠方種得在僧房六月花新吐三春葉已長抽



莖高錫杖引影到繩牀只爲能除疾傾心向藥王

素上人影塔

王昌齡

物化同枯木希夷明月珠本來生滅盡何者是虛無一  
坐看如故千齡獨向隅至人非別有方外不應殊

過景空寺故融公蘭若

一作過潛上人舊房

孟浩然

池上青蓮宇林間白馬泉故人成異物過客一作憩獨潛

然既禮新松塔還尋舊石筵平生竹如意猶挂草堂前

題慎言法師故房

儲光羲

精廬不住子自有無生鄉過客知何道徘徊鴈子堂浮  
雲歸故嶺落月還西方日夕虛空裏時時聞異香

幸白鹿觀

奉和聖製

李嶠

駐蹕三天路迴旃萬仞谿真庭羣帝饗洞府百靈棲玉  
酒仙壚釀金方暗壁題佇看青鳥入還陟紫雲梯

前題

沈佺期

紫鳳真人府斑龍太上家天流芝蓋下山轉桂旗一作旌  
斜聖藻垂寒露仙杯落晚霞唯應問王母桃作幾時花

前題

劉憲

玄遊乘落暉仙宇藹霏微石梁縈澗轉珠旆掃壇飛芝  
童薦膏液松鶴舞駮駮還似瑤池上歌成周馭歸

前題

徐彥伯



鳳輿乘八景龜籙向三仙日月移平地雲霞綴小天金  
童擎紫藥玉女獻青蓮花洞留宸賞還旗繞夕煙

前題

趙彥昭

雲驂驅半景星蹕坐中天國誕玄一作元宗聖家尋碧落  
仙玉杯鸞薦壽寶筭鶴知年一觀光華旦欣承道德篇

前題

張說

洞府寒山曲天遊日盱迴披雲看石鏡拂雪上金臺竹  
徑龍驂下松庭鶴轡來雙童還獻一作薦藥五色耀仙材

前題

李义

制蹕乘驪阜迴輿指鳳京南山四皓謁西嶽兩童迎雲

蓬瀛玄圃霞杯薦赤城神明近茲一作福地何必事一作往

前題

一作鄭愔

崔湜

御旗探紫籙仙仗闢丹丘捧藥芝童下焚香桂女留鸞  
歌無歲月鶴語記春秋臣朔其一作真何幸常陪漢武遊

前題

武平一

玉府凌三曜金壇駐六龍綵旒懸倒景羽蓋偃喬松玄  
圃靈芝秀華池瑞液濃謬因沾舜渥一作聖澤長願奉堯封

前題

蘇頌

碧一作紫虛清吹下藹藹入仙宮松磴攀雲絕花源接澗

律詩 五言

卷三十四

二十一



空受符邀羽使傳訣駐香童詎似閒居日徒聞有順風

華清宮觀行香 應制 崔國輔

天子藻 一作藻 珠宮樓臺碧落通豫遊皆汗漫齋處即崆

峒雲物三光裏君臣一氣中道言何所說寶曆自無窮

遊靈公觀 駱賓王

靈峯標勝境神府枕通川玉殿斜連 一作臨 漢金堂迴架

煙斷風疎晚竹流水切寒弦別有青門外空懷玄圃仙

遊精思觀迴王白雲在後 孟浩然

出谷未停午至家日已 一作已夕 曛迴瞻下山路但見牛羊

羣樵子暗相失草蟲寒不聞衡門猶未掩佇立望 一作待

月君

春日登金華觀 陳子昂

白玉仙臺古 一作上 丹丘別望遙山川亂雲日樓榭入煙

霄鶴舞千年樹虹飛百尺橋還疑 一作逢 赤松子天路坐

相邀

玉臺觀 杜甫

浩劫因王造平臺訪古遊綵雲蕭史駐文字魯恭留宮

闕通羣帝乾坤到十洲人傳有笙鶴時過北山頭

尋道觀 即昌利觀張天師居也 王勃

芝廬光分野蓬闕盛規模碧壇清桂闕丹洞肅松樞玉



笈三山記金箱五嶽圖蒼虬不可見一作得空望白雲衢

尋龍湍觀

孫逖

仙穴尋遺跡輕舟愛水鄉谿流一曲盡山路九峰長漁父歌金洞江妃舞翠房遙憐葛仙宅真氣共微茫

同邢判官尋龍湍觀歸湖中

星使下天一作仙京雲湖喜晝晴更從探穴處還作棹歌

行絲管荷風入簾帷竹氣清莫愁歸路遠水月夜虛明

宿太平觀

綦母潛

夕到玉京寢窅冥雲漢低翬交仙室蝶曙聽羽人雞滴瀝花上露清泠松下谿明當訪真隱揮手入無倪

梅道士水亭

孟浩然

傲吏非凡吏名流卽道流隱居不可見高論莫能酬水接仙源近山藏鬼谷幽再來迷處所花下問漁舟

過方尊師院

綦母潛

羽客北山尋草堂松徑深養神宗示法得道不知心洞戶逢雙履寥天有一琴一作禽更登玄圃上仍種杏成林

清明日宴梅道士房

孟浩然

林臥愁春盡開軒一作寒帷覽物華忽逢青鳥使邀我赤松家金一作冊龜初開火仙桃正落一作發花童顏若一作可如

駐何惜醉流霞



遊精思題觀王山房

誤入花源裏初憐竹逕深方知仙子宅未有世人尋舞  
鶴過閒砌飛猿嘯密林漸通玄妙理深得坐忘心

尋雍尊師隱居

李白

羣峭碧摩天逍遙不記年撥雲尋古道倚樹聽流泉花  
暖青牛卧松高白鶴眠語來江色暮獨自下寒煙

八仙逕

寺南有昌利觀去寺可數里  
巖逕窈窕杖而後進

王勃

柰園欣八正松巖訪九仙援蘿窺霧術攀桂俯雲旣代  
北鸞驂至遼西鶴騎旋終希脫塵網連翼下芝田

秋日餞陸道士陳文林

序曰陸道士將遊西輔通  
莊指浮氣之關陳文林言

返東吳脩途走落星之浦於是維舟錦水藉蘭  
若以開筵緘騎全隄泛榴花於祖道于時赤煙  
沈節青女司晨霜鴈銜蘆舉賓行而候氣寒蟬  
噪柳帶涼序以含情加以山接太行登羊腸而  
飛蓋河通少海疏馬頰以開瀾登高切送歸之  
情臨水感逝川之歎既而嗟別路之難駐惜離  
樽之易傾雖漆園筮蹄已忘言於道術而陟陽  
風雨尚抒情於詠歌各賦一言同為四韻庶幾  
別後有暢離憂云爾

駱賓王

青牛遊華嶽赤馬

一作鳥

走吳宮玉柱離鴻怨金罍浮蟻

空日霽崑陵雨塵起洛陽風唯當玄度月千里與君同

餞高尊師如貴道士傳道籙畢歸北海

李白

道隱不可見靈書藏洞天吾師四萬劫歷世遞相傳別



杖留青竹行歌躡紫煙離心無遠近長在玉京懸

送趙法師還蜀因名山奠簡 玄宗

道家奠靈簡自昔仰神仙真子今將命蒼生福可傳江  
山尋故國城郭信依然二室遙相望雲迴洞裏天

送田道士使蜀投龍 宋之問

風馭忽冷然雲臺路幾千蜀門峰勢斷巴字水形連人  
隔壺中地龍遊洞裏天贈言迴馭日圖畫一作畫彼山川

送楊道士往天台 張九齡

鬼谷還成道天台去學仙行應松子化留與世人傳此  
地煙波遠何時羽駕旋當須一把袂城郭共依然

送張道士歸山 王維

先生何處去王屋訪茅君別婦留丹訣驅雞入白雲人  
間苦難一作若刺住天上復離羣當作遼城鶴仙歌使爾聞


送李青歸華陽川 李白

伯陽仙家子容色如青春日月秘靈洞雲一作煙霞辭世  
人化心養精鬼隱几窅天真莫作千年別歸來城郭新

送楊山人歸嵩山

我有萬古宅嵩陽玉女峰長留一片月挂在東谿松爾  
去掇仙草菖蒲花紫茸一作君行到此歲晚或相訪青

天騎白龍





江上送女道士褚三清遊南嶽

吳江女道士頭戴蓮花巾霓裳不濕雨特異陽臺神足  
下遠遊履凌波生素塵尋仙向南嶽應見魏夫人

送元公之鄂渚尋觀主張驂鸞

孟浩然

桃花春水漲之子忽乘流峴下離一作首離蛟浦江中一作邊

問鶴樓贈君青竹杖送爾白蘋洲應是神仙子一作輩相

逢一作期汗漫遊

賜道士鄧紫陽

玄宗

太乙三門訣元君六甲符下傳金版術上刻玉清書有  
美探真士囊中得秘書自知一作茲三醮後翊我滅殘胡

贈道士參寥

孟浩然

蜀琴久不弄玉匣細塵生綠脆絃將斷金徽色尚榮知  
音徒自惜聾俗本相輕不遇鍾期聽誰知鸞鳳聲

贈道士

駱賓王

霧濃金竈靜雲暗玉壇空野花常捧露山葉自吟風林  
泉明月在詩酒故人同待余逢石髓從爾命飛鴻

於紫雲觀贈道士

序曰余鄉國一辭江山萬里昔年離別還同塞北之鳥今日歸

來則似遼東之鶴先生情均得免忘筌之契已深路是亡羊分歧之恨逾切不題短什何汰表襟乎

碧落澄秋景玄門啓曙關人疑列禦至客似令威還羽



蓋徒欣仰雲車未可攀  
祇應傾玉醴時許寄顏顏

山居晚眺贈王道士

王勃

金壇踈俗宇玉洞侶仙羣  
花枝棲晚露峯葉度晴雲  
斜

照移山影迴沙擁溜

一作籀

文琴樽方待與竹樹已迎暉

聽琴秋夜贈寇尊師

常建

琴當秋夜聽况是洞中人  
一指指應法一聲聲爽神寒

蟲臨砌默

一作急

清吹裏燈頻何必鐘期耳高閒自可親

寄天台司馬道士

宋之問

卧來生白髮覽鏡忽成絲  
遠媿餐霞子童顏且自持  
舊

遊惜疎曠微尚日磷緇不寄西山藥何由東海期

前題

張說

世上求真客天台去不還  
傳聞有仙要夢寐在茲山  
朱

闕青霞斷瑤堂紫月閒  
何時枉飛鶴笙吹接人間

前題

崔湜

聞有三元客祈仙九轉成人間  
白雲返天上赤龍迎尚

惜金芝晚仍攀琪樹榮  
何年緱嶺上一謝洛陽城

前題

孟浩然

海上求仙客三山望幾時  
焚香宿華頂裊露采靈芝  
屢

躡莓苔滑將尋汗漫期  
倘因松子去長與世人辭

尋梅道士



彭澤先生柳山陰道士鷺我來從此一作好停策漢陰

一作多重以觀一作魚樂因之鼓枻歌崔徐迹未朽千

載挹清波

尋少室張山人聞與偃師周明府同入都

岑參

中峰鍊金客昨日遊人間葉縣鳧共去葛陂龍暫還春  
雲湊深水秋雨懸空山寂寂青谿上空餘丹竈閒

玄元觀尋李先生不遇

魏知古

羽客今何在空尋伊洛間忽聞歸舊縣復想入函關未  
作千年別猶應七日還神仙不可見寂寞返蓬山

謁焦鍊師

王昌齡

中峯青苔壁一點雲生時豈意石堂裏得逢焦鍊師爐  
香淨棊案松影閒瑤墀拜受長年藥翩翩西海期

訪戴天山道士不遇

李白

犬吠水聲中桃花帶露一作濃樹深時見鹿谿午不聞  
鐘野竹分青靄飛泉挂碧峯無人知所去愁倚兩三松

傷峴山雲表觀主

孟浩然

少小學書劍秦吳多歲年歸來一登眺陵谷尚依然豈  
意餐霞客一作隨朝露先因之問閭里把臂幾人全

觀內懷仙

王勃



